

INUIT ATAQATIGIIT INATSISARTUNI



29-04-2026
UPA 2026/101.1
Ane Hansen

Inatsisartunut qinersisarneq pillugu Inatsisartut inatsisaat nr. 14, 2020-mi novemberip 24-ani atuuttoq allangortinniarlugu, taamaalilluni § 1-imi najugaqarnissamut piumasaqaat maannakkut qaammatini arfinilinni najugaqarnissamik piumasaqaammut sanilliullugu annertuumik sivitsortillugu, qinersisinnaatitaalernissamut Kalaallit Nunaannut ataavartumik nukittunerusumillu attuumassuteqarneq qulakkeerniarlugu Naalakkersuisut peqquneqarnissaannik aalajangiiffigisassaattut siunnersuut. Inatsisissatut siunnersuut UPA2027-mi kingusinnerpaamik saqqummiunneqassaaq.

(Inatsisartunut ilaasortaq, Kuno Fencker, Naleraq)

Inatsisartunut ilaasortaq Kuno Fencker Naleraq aaliangiiffissatut siunnersuuteqarpoq Inatsisartunut qinersisarneq pillugu Inatsisartut inatsisaat nr. 14, 2020-mi novemberip 24-ani atuuttilersumi § 1 allangortinnissaa siunertaralugu.

Maluginiagassaavoq siunnersuuteqartoq qinersisarnermi inatsisip qanoq allangortinneqarnissaanik qanorlu sivisussusilernissaanik taasaqangimmat. Taamattumik aaliangiiffissatut siunnersuut apeqquteqaat aallaavigalugu oqallisissiatut isigineqarsinnaanerugaluarpoq.

Qinersisarnermut inatsit § 1, 1996-kunnili ippigineqarani maannamut atuuppoq tassa Inatsisartunut folketingimilu qinersinaraanni minnerpaamik 18-nik ukioqalersimanissaq, ukiullu affaa nunatsinni najugaqarsimanissaq piumasaqaataammat, kiisalu eqqartuussivikkoortumik Kalaallit Nunaanni atuuttussatut aalajangikkamik nammineersinnaajunnaarsitaasimangikkuni Inatsisartunut qinersisinnaatitaavoq.

1996-miit maannamut qinersinermi inatsit pingasoriaruni allangortinneqartarnikuuvoq, siulleq

1998-imi Qinersiviit arfineq-pingasuniit ataasiinnangortinneqarnerat, aappaattut 2018-imi Qinersisartunut Kalaallit Nunaata avataaniikkallartunut qinersisussat allassimaffiannut ilanngunneqarnissamik killiliussap sap.ak. arfinilinniit sap.ak. pingasunut allangortinneqarnera pingajuattullu 2020-imi Qinersinermut ataatsimiititaliap katitigaanerata allangortinneqarnera.

INUIT ATAQATIGIIT INATSIARTUNI



Inuit Ataqatigiini maluginiarsimavarput nunat avannarliit eqqarsaatigalugit ukiut kingulliit qinersisinnaanermi piumasaqaatit sakkukillilerneqartartut soorlu Naalagaaffeqatigiit Danmark Sverigilu eqqarsaatigalugit Dannark-mut nuunnermiit ingerlaannaq innuttaassuseqarnermi qinersisinnaalersartut. Nunat avannerliit eqqarsaatigalugit Kalaallit Nunarput tassaagunarpoq Naalagaaffeqatigiit iluani qinersinermi innuttaassuseqarnermi piumasaqarnerpaasoq., tassa qaammatit arfinillit najugaqarersimanissamik piumasaqarami.

Nunat allat qiviaraanni ukiuni kingullerni najugaqaqqaarnissamut piumasaqaatit aamma sakkukilliartorsimapput, allaat soorlu Danmarkimi nunat avannarlerneraanni najugaqaqqaarnissamik piumasaqaatit piujunnariartorlutik.

Inuit Ataqatigiinni qinersinermi inatsimmi ukiuni kingullerni Kalaallit nunaqqatigut ilinniagaqarnertik peqqissariarnertilluunniit pissutigalugu nunatta avataaniittariaqartut qinerseqataasinnaalernissaat tamaviarullugu suleqataaffigisimavarput tamannalu 2018-mi tamakkiisuungikkaluamik iluarsiiiffigineqarpoq.

Inuit Ataqatigiit isumaqarpugut Kalaallit Danmarkimi iliniagaqarnertik pissutigalugu najugaqartariaqartut kiisalu peqqisarnertik pissutiglugu Danmarkimut nuukkllartariaqartut suli eqaannerusumik inatsimmi allassimalernissaanik pisariaqartitsisugut. Aamma inuiaat ikittunnguugatta nunatsinni annetuunik suliassaqalersillugu sivikittuinnarmik suliartortartut immikkut nalilersuiffigisariaqarigut.

Nunat tamalaat akornanni qinersisarnermi inatsisitigut ineriartorneq eqqarsaatigalugu manna inissisimanerput Inuit Ataqatigiinnit pitsaasutut isigarput. Taamammat qinersisarnermi inatsimmi Inatsisartut inatsisaat nr. 14, 24 november 2020-mi § 1-ip allangortinnissaa tungavissaqartutut suli isigarput.

Qulaanili taakkartukkagut iluarsiviigineqarsinnaasutut isigalutigut.

Taamatut oqaaseqarluta siunnersuut aappasaanerneqartinnagu pisariaqartinneqarpat Inatsisinut ataatsimiisitaliami nalilersorneqarnissaa inassutigarput.